



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi
(dum vixit) apud Erphordiam Turingiæ, Catechismus
Catholicus, summam Christianæ institutionis III. libris
succinctim complectens**

Klinge, Konrad

Coloniae, 1570

VD16 K 1309

Schisma quid sit. tit. 190

urn:nbn:de:hbz:466:1-29452

SCHISMA QUID SIT
in Ecclesia.

TITVLVS CLXXXI.

SCHISMA est voluntaria defectio à fide vniuersali, & decessio per inobedientiam vsuq;ue proprium & alium Sacramentotum, quàm qualis est vniuersalis catholicae Ecclesiae: est enim vna fides, vnum baptisma, vna Ecclesia & corpus. Hæc vniuersa & diuidi non possunt, Eph. 4. Cantic 6. Vna est columba &c. Quicūque ergo se separat à tali vnitae, sic schismaticus dicitur. sic fecerunt schisma Chore, Dathan & Abiron, Num. 16. speciale erigentes thuribulum, sed puniuntur miserè hiatu terræ. Ideò rogat propter nomen Domini nostri Iesu Christi Apostolus ne sint in nobis schismata, 1. Cor. 1. Et Christus admo-
 net, Mat. 24. nè accedamus ad eos qui veniēt & dicēt: Ecce hic est Christus, aut illic: surgēt enim multi &c.
 Secundò, omne schisma oritur ex odio contra supe-
 rioritatem Ecclesiae, id est, Papam, ordinauit enim
 Deus Petrum, vt sit caput vnitatis, inquit Cyprianus
 de simplicitate Prælatorū. sed hoc caput omnes hære-
 tici student deijcere, & talis neque fidelis, neque mē-
 brum esse potest Ecclesiae, & qui à tali vnitae & ordi-
 ne fuerit separatus, etiam promissis Ecclesiae spolia-
 bitur. Hæc Cyprianus. Est autem hoc peccatum schif-
 matis peius quàm idololatriæ. Augustin. lib. 1, contra
 Donatistas cap. 3. Nam populus idololatrans Exod.
 32. punitur gladio: hic autem in schisma ruens, hiatu
 terre (quod grauius est) punitur, Num. 16. & quoniam
 hoc peccatum schismatis est grauius omni alio pecca-
 to, siue sit luxuria, auaritia, superbia, furtum, vsura,
 &c. ideò propter nullum peccatum est faciendum
 schisma, quando propter aliquem abusum excitatur
 schismatis peccatum. Maximum peccatum est schif-

ma. Clerus male viuit: esto, sed facere propter hoc schisma, &c. grauius est peccatum, &c. nam odium quod excitant schismatici, est multo grauius ipsa causa, id est, communionem vtriusque speciei, manducatione carniū, non feriari: odium ergo damnat.

Tertiò, sicut olim Donatistæ obiecerunt Augusti-
no, ita etiam hodie faciunt sectistæ. Nos, inquam, cogente conscientia recedimus à vobis catholicis. Est enim Ecclesia vestra plena peccatis, idololatriis, & falsis doctrinis. Pessimè viuūt & docēt vestri Clerici & Monachi. Habent scholasticā Theologiā, qua docent opera effectiue iustificare. Habent nouum sacrificium Missæ, quod meretur remissionem, adorant panem, tradunt dimidium sacramentum, adorant sanctos, id est, mortuos homines. Respondet Augustinus primo libr. contra Donatistas: Queris vobis Donatistis an etiam oratis Pater noster, Matt. 6. & dicitis, Dimitte nobis debita nostra. Si sic oratis, quomodo ergo tam puram & sanctam habetis Ecclesiam, sicut iactatis? Frustra Christus iussit de orare & Apostolus 1. Ioan. 1. errauit, quando dixit: si dixerimus, quoniam peccatum non habemus, &c. si autē vos quoque estis peccatores, cur abominamini alios peccatores? sicut ille Pharisæus, qui publicanum contempsit, Luc. 18. cuius filij estis. Ecclesia tunc erit tota pulchra, quādo mors fuerit superata: talis, id est, sine macula erit Ecclesia in futura vita &c. Secundo, abusus quos prætendunt sectæ, non eo modo, quo catholici interpretantur, sed in peiorem partem omnia rapiunt, falsè iudicant, & abominantur. nem faciunt, vt de iustificatione & sacrificio Missæ, & alijs, ideo non coguntur recta conscientia secte recedere ab Ecclesia catholica &c. odium & inuidia est, sicut Salomon dicit Prouerb. 18. Cautum querit qui vult recedere &c.

Quartò, qui igitur vult esse certus de efficacia sacramentorum,

cramentorum, & quod Deo placeant opera sua, ma-
neant in catholica vnitare, alioqui in secta omnia e-
runt infructuosa & inutilia. Christus inquit Matth.
23. Vade recõciliari primum fratri tuo, & 1. Cor. 13. Si
habuerõ omnem fidem. Ideo inquit Augustinus Epi-
stola 165. Si angelus de cælo, &c. quid prodest medici
in sine operatione: quid si membra sana sunt, & cor
tamen est infirmum? Obedientia plus est quam victi-
ma, 1. Reg. 15. Eras, in Psalm. 83. Deterior est, qui rece-
dit ab Ecclesiæ consortio, quàm qui impiè viuit, &c.

DE NOMINIBUS, QUI

bus secta appellant catholicos.

TITVLVS CXCI.

Primò, testatur Euangeliũ, quomodo, Iu-
dei & illorũ Pharisei varijs nominibus
appellârunt Christum, seductorem, pec-
catorem, Ioan. 9. Dæmoniacum, magũ,
Luc. 11. in Beelzebub principe dæmonio-
rum eicientem demoniã &c. Amatorem gloriæ, Ioã.
8. Tu de te ipso testimoniũ dicis &c. dæmoniũ habes
&c. non enim poterant vincere Christum, idè ad
contumelias currunt: quod etiam proprium est hære-
ticorum, vt relicta causa fidei, personas grauent
August. lib. 3. cõtra literas Petilianĩ, cap. 1.

Secundò, sic appellant Hæretici catholicos: lupos,
papisticos, Phariseos, qui operibus volunt saluari,
blasphemos in Deum, & quod sint ministri diaboli
stantes & euntes. August. lib. 2. contra literas Petilia-
ni, cap. 83. & 73. Nos lupi non sumus; sed vos potius
hæretici. Nos patimur nos reperi in vno ouili, Ioã.
10. & in hoc Christi vocem, vt obedientes oues, audi-
mus: vos varia conuenticula sectaria habetis, ita
hic Luterus, illic Zuinglius &c. Nos colligimus
Christi oues in vnam fidem & dilectionem, vos vt lu-
pi rapitis & dispergitis: nos audimus Ecclesiam per